

SCRIPT OF EVENING GOJRI NEWS BULLETIN 29JULY 1700 HRS

ایویننگ گو جری نیو ز بلیٹن مو رخہ 29 جولائی 2025

HEADLINES

۱. لوک سبھا مانہ آپریشن سندھور ور خصوصی بحث دوباری شروع ہوئی تے وزیر داخلہ مات شاہ نے پہلگام حملہ مانہ ملوث 3 دہشت گرداں غا ماریاں جان بارے تصدیق کی۔
۲. لیفٹیننٹ گورنر منوج سنہا نے بارہمولہ مانہ کوشر رواج ثقافتی تقریب مانہ شرکت کی تے جموں کشمیر مانہ خطاطی غا فروغ واسطے حمایت گو وعدو کیو۔
۳. جل شکتی گا وزیر جاوید احمد رانا نے امرت ۲ عشریہ سفر سکیم غے تحت سامہ مانہ پانی غی فراہمی مانہ اضافہ کرن واسطے نہ رکھیو۔
۴. بڈھا امرناتھ ج یاترا غو پہلو جٹھو مندر مانہ پُجیو تے ہزاراں عقیدت منداں نے بابا چٹانی مندر مانہ حاضری دتی۔
۵. قومی تعلیمی پالیسی 2020 غی 5 ویں سالگرہ ور صوبائی کمشنر جموں نے سکولاں مانہ پالیسی غا موثر نفاذ ور زور دتو۔

LS OP SINDOOR

لوک سبھا مانہ اج آپریشن سندھور ور خصوصی بھٹ دوباری شروع ہوئی بحث مانہ حصو لیتا واں وزیر داخلہ امت شاہ نے کہی و جے کل آپریشن مہادیو غے دوران بھارتی فوج سر آرپی ایف تے جموں کشمیر پولیس نے پہلگام دہشت گردانہ حملہ مانہ ملوث 3 دہشت گرداں نانہ مارمکایو بے اُنہاں نے مزید کہیو جے دہشت گرداں توں 3 رائف؛ ضبط کی گئی یں جہڑی پہلگام دہشت گردانہ ضملہ مانہ استعمال کی گئی تھیں وزیر داخلہ امت شاہ نے دسیو جے یہ 3 دہشت گرداں جن مانہ سلیمان شاہ جیبران تے خمنرہ افغانی شامل یں نانہ کامیابی سنگ مارمکایو بے اُنہاں نے گ بات کرتا واں کُج اس طرح کہیو۔

RS OP SINDOOR

راجیہ سبھا مانہ بھارت غی مضبوطی ور خصوصی بھٹ کی گئی پہلگام مانہ ہوا دہشت گردانہ حملہ گا جواب مانہ کامیاب ت یفیصلہ کُن آپریشن سندھور بحث گو آغاز کرتا واں وزیر دفاع راج ناتھ سنگھ نے جموں کشمیر مانہ 3 دہشت گرداں غا مار مکان ور بھارتی فوج تے حفاظتی دستاں انہ مبارک باد دتی بے جنہاں نے پہلگام مانہ 26 بے گناہ معصوم شہریاں نانہ بے دردی سنگ ہلاک کیو تھو اُنہاں نے بولتا واں کُج اس طرح کہیو۔

LG KASHUR RIAWAAJ

لیفٹیننٹ گورنر منوج سنہا نے اج بارہ مولہ مانہ بھارتی فوج تے ضلع انتظامیہ غی طرفوں منعقدہ ایک منفرد ثقافتی پروگرام کوشر رواج مانہ شرکت کی بارہ مولہ غا 20 ہزار نوجوان نانہ مبارک باد دیتا واں اُنہاں نے لڈی شاہ تے خطاطی غے ذریعے ایک نوا عالمی رکارڈ قائم کرن مانہ ان غی تاریخی کامیابی نانہ سہرايو لیفٹیننٹ گورنر منوج سنہا نے نہ صرف قومی سلامیت غا تحفظ مانہ بلکہ جموں کشمیر غا امیر ثقافتی ورثہ غا تحفظ مانہ بھارتی فوج گا کردار غی وی تعریف کی۔ اُنہاں نے نوجواناں نانہ باختیار بنان تے اس طرہگا جامع تے متاثر کُن اقدامات غ زریعے

ان غی اُمنگاں غی وی حمایت مانہ ان غی کوششاں گی تعریف کی۔ اس موقع ور خطاب کرتا واں
ایل جی موصوف نے اس طرح کہیو۔

LG LADAKH KATRA

لداخ غا لیفٹیننٹ گورنر کویندر گپتا نے اج کٹڑا غو دورو کی وتے شری ماتا ویشنو دیوی مندر مانہ
پوجاکی ذرائع ابلانغ سنگ گل کرتا واں جناب گپتا نے اعلان کی وکہ وہ یکم اگست نانہ وزیر
اعظم نریندر مودی تیں ملاقات کریں غا جس مانہ لداخ مانہ سیاحت بارے فروع دین ور گل
بات کی جے غی آپریشن سندھور ور حزب اختلاف گا اسواتل غا جواب مانہ اُنہاں نے بہادر
فوجیاں غی تعریف کی تے بہادر فوجیاں غی تعریف کی تے سرینگر مانہ حالیہ کاروائی تیں بعد
حکومت غی دہشت گردی غے خلاف صفر برادشت پالیسی نانہ اُجاگر کیو۔ اس موقعور بولتا واں
لداخ غا ایل جی کویندر گپتا نے اس طرح کہیو۔

RANA WSS SAMBA

جل شکتی غا وزیر جاوید احمر رانا نے اج 2 عشریہ صفر امرت پھل غے تحت سامبہ قصبہ امنہ
پانی غی فراہمی بارے سکیم نانہ بدھان غو سنگ بنیاد رکھیو یوہ اہم منصوبہ تمام بدلیاتی
واڈاں مانہ پین گا صاف پانی نانہ یقینی بناوے گو جس سنگ 30 ہزار تیں زیادہ رابطشی مستفید
ویں گا۔ اس موقع ور خطاب کرتا واں جناب رانا نے لچکدار پائیداد تے مساوی شہری بنیادی ڈھانچہ
غی ترقی واسطے جموں کشمیر گاعزم ور زور دتو اس قدم توں سامبہ مانہ صاف پانی توڑی قابل
اعتماد رسائی نانہ یقینی بنا غے لوکاں غا معیار زندگی مانہ نمایاں بہتری آن غی اُمید ہے۔

BUDDA AMARNATH

بڈھا امرناتھ یاترا غا پہلا جتھہ نے پونچھ مانہ شری بڈھا امرناتھ جی مندر مانہ سخت حفاظتی
انتظامات غے بشکار درشن کیا تقریباً 901 یاتریاں غو مقامی لوکاں نے گزشتہ روز گرم جوشی غے
نال استقبال کیو یاترا غو آغاز صبح سویرے پونچھ کالج گا میدان مانہ بنیادی کیمپ تیں ہو۔ تے
اتوں منڈی درروانہ ہوا جت مقامی لوکاں نے یاتریاں گو خیر مقدم کیو مندر پیچن ور یاتریاں نے
مذہبی رسومات ادا کیں تے تاریخی گوری گنڈ مانہ مقدس ڈبکی لائی پھر بابا چٹانی غا دربار
مانہ حاضری دتی آکاشوانی غا خبراں آلا شعوبہ سنگ گل کرتا واں یاتریاں نے کوشی گو اظہار
کیو تے یاترا غے دوران ملی مہمان نوازی غی تعریف کی اُنہاں نے اس طرح کہیو۔

NEP 2020

قومی تعلیمی پالیسی 2020 غا ۵ سال مکمل ہون ور ملک بھر مانہ تقریبات غو انعقاد کیو جاریو
بے محکمہ تعلیم غی جانب توں اج جموں پالی ٹیکنک وکرم چوک مانہ ایک خصوصی پروگرام گو
انعقاد کیو گیو صوبائی کمشنر رامیش کمار نے تقریبگو افتتاح کیو اس موقع ور تعلیم محکمہ غا
ڈائریکٹر نسیم جاوید چودھری سی ای او تعلیم اساتذہ تے طلباء موجود تھا ت مقررین نے پالیسی
غا نفاذ تے اس غا فوائد ور تبادلہ خیال کیو اس موقع ور خطاب کرتا واں صوبائی کمشنر جموں
رامیش کمار نے سکولان مانہ تبدیلی لیان تے پالیسی اگ موثر نفاذ غی ضرورت ور زور دیتا واں
کُج اس طرح کہیو۔

ضلع رام بن مانہ زری سرگرمیاں نانہ فروغ دین واسطے کرشی وگیان کیندر غیجانب تیں مشروم غی کاشت گو تربیتی پروگرام فراہم کی وجے تانجے کساناں نانہ کامیاب مشروم غی کھیتی واسطے ضروری علم تے مہارت دتی جاسکتیہ تربیت مختلف پہلوواں ور مشتمل وے جسراں کہ اسپون تیار کرنو کھاد بنانو مختلف اقسام غی مشروم اگان غا طریقہ زیادہ فائدہ مند مصنوعات بنان تے چیزیاں نانہ بیچن غا طریقہ سکھایا جیں۔ ہن زراعت غو محکمو ایک نوو تربیتی پروگرام شروع کرریو ہے جس غو مقصد لوکاں غی عملی مہارتاں نانہ بہتر بنانو ہے اس مانہ مشروم غا بیج بنان تیں لے غے فصل کپن تے اُس غے بعد غی دیکھ بھال سب کجھ سکھایو جے۔ اس بارے مزید گل کرتا واں رام بن غا ضلع زری افسر گلدیپ بیسن نے اس طرح کہیو۔

ANN OSTEOPOROSIS

علاقائی خبراں آلو شعوبو آکاشوانی جموں ہڈیاں غی کمزوری غی بیماریاں بارے اواسٹوفوروسیز ور ایک 15منٹ غو خصوصی پروگرام نشر کرے گو یاہ خصوصی نشریات پلکیں 30 جولائی 2025 نانہ شویرے 8 بجے 45منٹ ور نشر کیو جے غو۔ اس پروگرام مانہ مہمان خصوصی ویں گا ڈاکٹر بیاس دیو

جھیڑا گورنمنٹ طبی کالج جموں گا شعبہ آرٹھو پیڈک مانہ ایسو سیٹ پروفیسر بیں تے وہ پروگرام مانہ اپنا ماہر خیالات پیش کریں گا پروگرام غی میزبانی کریں گا مارا انکر جگ موہن شرما سامعین یوہ پروگرام آکاشوانی نیوز جموں ور 990 کلو ہٹر ایف ایم 100.3 تے 104.5 میگا ہٹز ور یہ نشریات سن سکیں۔
